


KOMMUNIMUT PILERSAARUMMUT TAPILIUSSAQ

4A4-2, Innartalik

Nuuk, Qinngorput, Inissiaqarfik

Juuni 2010



KOMMUNEQARFIK **SERMERSOOQ**

Sanarfinermut Avatangiisinullu Ingerlatsivik
Anlægs- og Miljøforvaltningen

Imarisai**ILITSERSUUT 3****NASSUIAAT 4**

Tunuliaqutaasoq	4
Pilersaaruteqarfiusoq	4
Pilersaarummi siunertat imarisaallu	5
Pilersaarummut allamut tunngatillugu inissisimanagera	8
Pilersaarutip inatsisitigut inaarutaasumik sunniutai	10
Piffissaq oqalliffiusoq akuersissuteqarnerlu	10

AALAJANGERSAKKAT 11**PINGAARNERIT 11**

§ 1 Kommunimut pilersaarummut tapiliussami siunertarineqartut	11
§ 2 Kommunimut pilersaarummut tapiliussap immikkoortuata ilaa agguataarneqarneralu ..	11
§ 3 Immikkoortup ilaata atorneqarnera	11
§ 4 Sanaartukkat	11
§ 5 Inissaq	11
§ 6 Immikkoortup ilaani aqqusinertigut angallannerit	11
§ 7 Avatangiisini piumasaqaatit numaminertallu piumasaqaatitaqarfiusut	12
§ 8 Eriagisariaqartut ilisarnaataat	12

AALAJANGERSAKKAT SUKUMIISUT 13

§ 9 Immikkuualuttut atorneqarnerat	13
§ 10 Sanaartukkat annertussusiat inissisisimaffiallu	13
§ 11 Sanaartukkat silataasa isikkui	14
§ 12 Aqquserngit, aqqusineqqat bilinullu inissiisarfiit	14
§ 13 Nunaminertat sanaartorfigineqanngitsut	15
§ 14 Teknikkikkut atortut	16
§ 15 Avatangiisini pissutsit	16
§ 16 Piginnittut peqatigiiffiat	16
§ 17 Atuilernissamut piumasaqaatit	17
§ 18 Illoqarfiup ilaanut pilersaarummik aamma kommunimut pilersaarummut tapiliussamik atorunnaarsitsineq	17

AKUERSISSUTIGINEQARNERA 18**ILANNGUSSAT**

Ilanngussaq 1:	Immikkoortup ilaa immikkuualuttullu
Ilanngussaq 2:	Sanaartorfiit
Ilanngussaq 3:	Titartagaq

ILITSERSUUT

Kommunimut pilersaarummut tapiliussami nunaminertat, sanaartukkat nutaat, aqqusineeqqat, aqquserngit il.il. sumiiffimmi aalajangersimasumi qanoq atornerqassanersut, inissinneqassanersut ilusilersorneqassanersullu aalajangersarneqarput.

Kommunimut pilersaarummut tapiliussaq nassuiaatitaqarpoq aalajangersagartaqarlunilu.

Nassuiaammi kommunimut pilersaarummut tapiliussami siunertat anguniakkallu, sumiiffimmi eqqaanilu pissutsit pioreersut kiisalu kommunimut pilersaarummut tapiliussap pilersaarutitut allanut tunngatillugu qanoq inissisimanera naatsumik allaaserineqarput.

Kommunimut pilersaarummut tapiliussami aalajangersakkat aalajangersakkanut pingaarnertut sukumiisunullu agguataagaapput. Aalajangersakkat tamarmik pituttuisuupput, taamaattorli sukumiisumik aalajangersakkanit immikkut ittumik akuersissuteqartoqarsinnaasarpog.

Nunaminertanik atuineq pilersaarusiortnerlu pillugit Inatsisartut peqqussutaat nr. 11, 5. decembari 2008-meersoq aamma nalunaarut nr. 76, 26. februaari 2009-meersoq naapertorlugit kommunalbestyrelse kommunimut pilersaarummut tapiliussaliortussaataavoq:

- *Kommunimut pilersaarutit piviunngortinneqarnissaanut qulakkeerinninnissaq pisariaqartinneqaleraangat.*
- *Sanaartukkat imaluunniit nunaminertanik tunniussuinerit aallartinneqannginnerini.*

Kommunimut pilersaarummut tapiliussaliortussaataanermit pilersaarusiortnermit annertunerusumik ataqatigiissaarisogarnissaa aammalu innuttaasut tamatumani peqataatinneqarnissaasa anguniarneqarnissaa siunertaavoq.

Taamaattumik kommunimut pilersaarummut tapiliussaq sivikinnerpaamik sapaatit akunnerini arfinilinni tamanut saqqummiunneqassaaq. Taamaalereerpat pilersaarut inaarutaasumik akuersissutigineqartinnagu kommunalbestyrelsip akerliliissutaasinnaasut allannguutissatullu siunnersuutaasinnaasut naliliiffigissavai.

Kommunimut pilersaarummut tapiliussami inatsisitigut atuuffiit kommunimut pilersaarummut tapiliussami sukumiinerusumik allaaserineqarput.

NASSUIAAT

Tunuliaqutaasoq

Sanaartorfissanik nutaanik pisariaqartitsineq iluaqusiiffiginarlugu Qinngutsinni illoqarfiup ilaata nutaartaata sanaartorfigineqarnissaa kommunalbestyrelsip akuersissutigaa. Qinngutsinni inissialiortiterneq 2002-mi aallartinneqarpoq 2016-imilu Qinngorput tamakkerluni sanaartorfigineqareerpat inissiat imminnut qanittut/pukkitsut, ammasut/pukkitsut quleriillu 2000-it missaanniinnissaat naatsorsuutigineqarpoq. Qinngutsinni inissiaqarfiit akornanni nunaminertat qorsuusut imminnullu atasut allanngutsaaliorgit pisariaqanngitsumillu qaqqanik qaartiterinani Qinngutta ilusilersorneqarnissaa kissaatigineqarpoq. Qinngutsinni sumiiffinnut tamanut pilersaarusiornermi nunatat, imminut qanissutsit illoqarfitullu inissisimassuseq pingaarnerutikkaanni ataqatigiissuseq qulakkeerneqassaaq.

Illoqarfiup ilaa nammineq qitiusoqarfilerlugu, 4C1, Pisissia, Nuummullu oqilisaatinngortillugu pilersinneqassaaq. Qitiusoqarfimmi asersuutigalugu atuarfik, niuertarfik aqqusiernermut niuerfiusumut atanilik, utoqqaat ornitagaat sukisaarsartarfiillu assigiinngitsut inisinneqassapput. Qitiusoqarfiup kujataa'tungaani immikkoortumi 4B1-imi, Naternaq, inuussutissarsiuteqarfik pilersaarutigineqarpoq. Illoqarfiup ilaanut pilersaaruteqarfiup avannaa'tungaani, 4A4, Innartalik, immikkoortumi 4D3-imi, Eqinga, umiatsianut nuannaariartaatinut umiatsialivik pilersinneqassaaq. Illoqarfiup ilaanut pilersaaruteqarfiup kangia'tungaaniippoq immikkoortoq 4A5, Pingorsuaq, taassumalu inissiaqarfinngortinneqarnissaata tungaanut tamanna utaqqiisaa-sumik ujaqqueriviuvoq. Illoqarfiup ilaanut pilersaarut 4A4-1, Innartalik, atorlugu Qinngutta allisarneqarnera ingerlateqqinneqarsinnaavoq tassanilu 300-inik inissialiortoqassaaq. Kommunimut pilersaarummut tapiliussaq 4A4-2, Innartalik, atorlugu 146-172-inik inissialiornikkut Qinngutsinni allisaaneq ingerlateqqinneqarsinnaavoq.

Pilersaaruteqarfiusoq

Pilersaaruteqarfiusoq 12 ha-it missaanni anertussuseqarpoq Qinngutsinnilu illoqarfiup ilaani Innalinnguup kujataa'tungaani nuunnguami pinngortinneqarnerminiilli umiarsualivioreersumiilluni.

Illoqarfiup ilaanut pilersaarut 4A4-1 tunngavigalugu sumiiffimmi sanaartorfigissaasoqarsimavoq. Tassa imaappoq immikkuualuttut A aamma B-nut tunngatillugu sanaartorfiit nuunneqarsinnaanngillat. Immikkuualuttumi C-mi sanaartorfiit nuuallanneqarsinnaapput tassanilu pilersuutiniq allanngortiterinermut aningaasartuutaasinnaasut sanaartortitsisumit akilerneqassapput.

Killeqarfilersuineq

Illoqarfiup ilaanut pilersaarummi killeqarfilersuineq immikkoortukkut 4A4-kkut killeqarfeqartinneqarpoq, taannalu kommunimut pilersaarummut nr. 4-mik tapiliussartalerlugu akuersissutigineqarsimavoq aammalu figur 1-imi ilanngussamilu 1-imi takuneqarsinnaalluni.



Figur 1) Kommunimut pilersaarummut tapiliussaq nr. 4 naapertorlugu Qinngutsinni immikkoortut ilai.

Nunap ilaa nunallu qaava

Sumiiffiup kangerliumarngup tungaaniinnera pissutigalugu tamanna inissianiit sukisaarsartarfinniillu isikkivigissorujussuuvog. Illoqarfiup ilaanut pilersaaruteqarfiusoq kujammut kimmullu immap tungaanut innaaqqissumut killeqarpoq, massa avannamut nunap qaava umiarsualivioersup tungaanut sivingannginnerusoq. Sumiiffik kujammut kangimut qaq-qamit portusuumit immikkoortinneqarsimavoq qaqqarlu taanna sinerlugu avannamut sivingajaannguarluni, taamaattorli sumiiffiup qeqqa'tungaa malunnateqarluartunik qaqqartaqartiterpoq. Kuunnguaq naqerliumanikkut kuuppoq kuunnguarlu taanna killiliussamut 4D3-mut, Eqinga, umiarsualivioersumut imaanut kuuppoq.

Illoqarfiup ilaanut pilersaarut 4A4-1, Innartalik, atuuttoq malillugu sumiiffik sanaartorfissarneqarpoq.



Figur 2) Nuunnguaq Innalinnguaq, aasakkut.

Seqineq, isikkivik anorillu

Illoqarfiup ilaanut pilersaaruteqarfiup kangia'tunganiippoq qaqqap qaata qingartaa seqineq kangiani pukkitsumiitillugu seqer-ngup qinnguaanik assiisoq. Akerlianik ualik-kut unnukkullu seqinnisaarluartoqarsinnaavoq, tassami sumiiffimmiit kujammut kimmullu isikkivigissorsuummat. Seqineq kitaa-nut pilluni pukkiligaangat Ukkusissat qaqqartaat aappalungusersunngortarpoq sumiiffillu tamaat qaammarsartarlugu kiassartarlugulu. Qaqqap aasaanerani qorsuusinnarluni ukiak-kut kajortittarnera ukiukkullu aputip qaqortit-

tarnerata sumiiffiup qaamarnganut aamma sunniuteqartarpoq.

Sumiiffiup anorai tassaanerupput avannaq nigerlu. Sissamiit illoqarfiup ilaanut pilersaaruteqarfiusup tungaanut sivingarnit sivingasuut kangia'tungaanilu qaqqat qaavisa akornanni narsaamanertat pissutaallutik sumiiffimmi anorit suminngaanneereri sakkortusaallu allanngortittarpaat.



Figur 3) Ukkusissat unnukkut seqinnersumi.



Figur 4) Pilersaaruteqarfiusup avannaatungaanit isikkivik

Pilersaarummi siunertat imarisaallu

Tunngaviusumik pilersaarummi atuuttumi pissutsit eqqarsaatigalugit pissutsit ikittut allanngortinneqarnissaat pilersaarummi matumani siunertarineqarpoq. Taamaalluni immikkuualuttoq C pisortat inissialiorfissaattut tunniunneqassaaq tamannalu ilutigalugu sanaartukkat portussusiat quleriinnut arfinilinnut amerlineqarput. Tamanna ilutigalugu kiassaanernut kissamik atuneq annikillisinniarlugu innuttaasut illunik avatangiisinut navianaataannngitsunik nukissiutinik atuisunik sanaartoqqullugit kaammattorniarnearput.

Siunertarineqartoq aamma tassaavoq illunik affarleriinnik 16-inik ilaqutariinnulluunniit ataatsinut illunik sanaartornissamut periarfissiinissaq kiisalu inissiani quleriinni inissianut 130-140-nut nunaminertanik qulakkeerinninnissaq.

Kommunimut pilersaarummut tapiliussami 4A4-2, Innartalik, sanaartugassat sumut inissinneqarnissaat, portussusissaat angissusissaallu tigussaasumik killilersornissaat attaveqaatillu pitsaasumik qulakkeerneqarnissaat siunertarineqarpoq. Pilersaarummi inissiaqarfiit imminnut atasut qulakkeerneqassapput tamannalu ilutigalugu inissiat immikkoortunut mikinerusunut immikkoortiterneqassapput. Pilersaarummi ilaqutariinnut ataatsinut illuliornissamut quleriinnillu inissialiornissamut, assersuutigalugu sumiiffimmi illunik immikkuullarissunik, periarfissiisoqassaaq.

Sanaartorfissat inissinneqarneri illullu portussusissaat sumiiffimmi illut akorni avatangiseqarluarniassammata aalajangersarneqarput, tamannalu ilutigalugu isikkiviit attaveqaatillu salliutinniarnearput.

Sumiiffimmi aalajangersaanerit ilanngussami 2-mi takuneqarsinnaapput, tassani immikkoortut ilaat, angallaffiit nunaminertallu ataatsimoorussassat takutinneqarput.

Oqartussaaffiginninneq agguataarinerlu

Sanaartukkat portussutsinut pingasuinnut inisitaapput, massa sanaartukkat akornanni nunaminertat sanaartorfineqassanngitsut.

Taamaalilluni inissianit tamanit isikkiviit pitsaanerpaat qulakkeerneqassapput, soorluttaaq illut tunuanniittoq qaqqaq kusanartoq illut akornini nunaminertanut sanaartorfineqanngitsunut akuliutitinneqassasoq.

Nunaminertat sanaartorfineqanngitsut suksaartarfittut aasakkut ukiukkullu atorneqarsinnaapput – assersuutigalugu pinnguarterfittut, qaqersartarfittut, pisuttuarfissatut aamma kælkerfissatut.

Illoqarfiup ilaanut pilersaaruteqarfiusumi ataqatigiissuseq aqqusineqqat sumiiffiup avannaa'tungaaniit kujataa'tunganut imminnut atassuserlugit tunniunneqarnerisigut erseqqisarneqassaaq, taamaalilluni inissiakkuutaat aqquserngit apeqqutaatinnagit imminnut ataqatigiinniassammata.

Sanaartornerni nunagissaasoqassaaq, pilersaarummilu qaqqasunnat qaartiterlugit piiarneqartussat takutinneqarput, ilanngussaq 1 takuuk.



Figur 5) Isikkiviit titartarneqarnerat

Inissialiortiterni ataasiakkaani nunaminertanik uningaartarfissanik issiaffiusinnaasunik pilersitsisoqartassaaq, tamakkulu seqinnisaarfiusinnassapput, oqquisumiissallutik isikkivigissuussallutillu. Immikkoortut ilaani tamani pinnguarterfiliortoqassaaq.

Immikkoortup ilaa immikkuualuttunut sisamanut agguataagaavoq, ilanngussaq 1 takuuk, tamakkulu assigiinngitsunik ilusilersorneqassapput. Tamatuma saniatigut ilanngussami 3-mi titartaganngorlugu pilersaarut takuuk.

Immikkoortup ilaa A: Tassani qaliaqanngitsunik marlunnilluunniit quleriinnik ilaqutariinnut ataatsinut illut illulluunniit affarleriit sanaartorneqarsinnaapput. Illut portussutsimi tassaniittut ippiup tungaanut uilukutsukkuu-

taartumik inissinneqassapput, taamaalluni aqqusinermiit illuniilluunniit tunorlerniit illut qulaallugit akulloqqullugilluunniit isikkive-qarniassammata.

Immikkoortut ilaat B aamma C: Sanaartukkat portussutsini marluinni sisamanik-tallimanik quleriinngorlugit sanaartorneqassapput. Immikkoortut ilaat pinnguarterfeqassapput bilinnullu inissiisarfeqarlutik.


Immikkoortup ilaa D: Siunissami ilaqutariinnut ataatsinut illunulluunniit affarleriinnut sanaartornissanut tunniunneqarpoq. Tamannali sanaartorfissanik amerlanerusunik aamma immikkuualuttut pillugit aalajangersakkanik amerlanerusunik ilallugu tunngaviumik pilersaarummik iluarsaassamik piumasaqaati-taqarpoq.

Aqqusinertigut angallannerni pis-sutsit/ aqquserngit aqqusineeqqallu

Immikkoortup ilaa Qinngutsinni angallaffin-nut pingaarnernut figur 6-imi takutinneqartu-tut attavilerneqassaaq. Sumiiffik Qinngutsinni qitiusoqarfikkut Nuummur aqqusineqassaaq. Inissiaqarfinnut/nit angallaffik pingarneq ungasinnerusoq eqqarsaatigalugu Qinngutsin-ni sananeqartussaq qitiusoqarfik kangeqqullu-gu inissinneqassaaq.

Pilersaaruteqarfiusumi aqqusineq

Pilersaaruteqarfiusoq immikkoortup ilaanit 4C1-imit, Pisissia, aqqusineqartinneqassaaq. Aqqusineq Qinngutsinni aqqusinertut tunniunneqassaaq, ungasinnerusorlu eqqarsaatigalugu bussinut unittarfilerneqassalluni. Aqquserngup angallaffiungaatsiarnissaa naatsorsuutigineqarmat aqquserngup qeqqaniit illunut meterinik qulinik siunnersuutigineqartu-mit meterinut 20-nut silillineqassaaq. Inissia-qarfinnut angallanneq inissiaqarfiit marluk aqqusernginut bilinut ataatsimut inissiisarfiup tunganoortunut agguataarneqassaaq.



Figur 6) Qinngutsinni aqqusinertigut angallaffiit pingaarnert.

Inissianut aqquserngit.

Najukkami aqqusinermi inissianut marlunnik aqqusiniliortoqassaaq, tassanngaanniillu inissianut apuuttoqarsinnaalissaaq.

Aqqusineeqqat.

Inissiaqarfinniit immikkoortut ilaanut qanin-nernut aqqusineeraqartitissaaq. Aqqusineeq-qat Qinngutsinni Nuummilu aqqusineeqqanut pingaarnernut attaveqartinneqassapput.

Tamatuma saniatigut qanittumi inissiaqarfin-nut atasunut aqqusineeraliortoqarnissaa qu-lakkeerneqassaaq kiisalu umiatsianut nuan-naariartaatinut umiatsialivimmut aqqusineera-liortoqarnissaa qulakkeerneqassalluni. Siunis-sami qitiusoqarfimmi pisuinnaat aqqutissaan-niit inissiaqarfik Pisissia aqqutigalugu umiat-sialivimmut aqqusineeraqassaaq.

Nuna / Nunaminertallu sanaartorfi-gineqanngitsut

Nunaminertat sanaartukkanut atorneqanngit-sut sukisaarsartarfittut atortulittut atorneqas-sapput ileqqumisulluunniit itsiinnarneqassal-lutik. Sumiiffik ilanngussaq 2-mi pinnguarter-fittut takutinneqartoq sukisaarsartarfittut, as-sersuutigalugu pinnguarterfilerlugu, unin-

ngaartarfilerlugu meeraaqqaanullu pinnguarterfilerlugu aaqqissuunneqassaaq.

Illoqarfiup ilaanut pilersaarummut atuuttumut sanilliullugu aalajangersakkani allannguinerit

Kommunimut pilersaarummut tapiliussap 4A4-2p, Innartalik, illoqarfiup ilaanut pilersaarut atuuttoq 4A4-1, Innartalik, taarserpaa. Tunngaviusumik pilersaarummi atuuttumi allannguinerimi immikkuualuttumi C-mi pi-sortat inissialiortiternissaannut inniminniinisamik kissaateqarnermik pissutigineqarpoq.

Pilersaarummut allamut tunngatillugu inissisimanagera

Kommunimut pilersaarut 2005-2014

Immikkoortup ilaa 4A4, Innartalik, Kommunimut pilersaarummut Nuuk 2005-2014-imut ilaatinneqarsimavoq, pilersaarummilu tassani ilutsimi pingaarnermi sumiiffik inissiaqarfinit siunertaqartunut assigiinngitsunik inissialiortifissatut tunniunneqarsimavoq. Taamaattorli kommunimut pilersaarummut tapiliussamik nr. 4-qalerneratigut kommunimut pilersaarummi arlalinnik allannguisoqarpoq.

Kommunimut pilersaarummut tapiliussaq nr. 4

Sumiiffik kommunimut pilersaarummut tapiliussami nr. 4-mi, Illoqarfimmi sukisaarsartarfiit, ilaatinneqarluni killiliussami 4A4-mi Kommunimut pilersaarummut 2005-2014-imut naleqqussarneqarpoq.

Kommunimut pilersaarummut tapiliussap nr. 4-p, illoqarfimmi sukisaarsartarfiit, inaarutaa-sumik akuersissutigineqarneratigut sumiiffik 4A4 nutaanik killeqarfilersorneqarpoq, tamannalu ilutigalugu killiliussamut 4A4-mut aalajangersakkat allanngortinneqarlutik. Allannguutit tassaapput inissiat 300-niit 165-it missaannut ikilisinneqarnerat. Tamanna illut affarleriit ilaqutariinnullu ataatsinut illut piu-maneqarnerisa allanngornerat iluaqusiiffiginarlugu allannguutaavoq.

Killiliussassatut aalajangersakkani 4A4, Innartalik, amerlanerpaamik marlunnik quleriinnik illunillu quleriinnik pingasunik arfinilinnik quleriilinnik katillugit inissianik 145-165-inik peqassasoq erseqqissaatigineqarpoq. Killiliussamit 4C1-imit, Pisissia, aqqusineqassaaq, tamatuma saniatigut sumiiffik aqqusineqqat ataatsimoortut atorlugit Qingutta sinneranut ataatsimoortinneqassaaq.

Illoqarfiup ilaanut pilersaarutit aamma kommunimut pilersaarummut tapiliussaq

Illoqarfiup ilaanut pilersaaruteqarfiusup qanigisaani killiliussasatut pilersaarutit illoqarfiullu ilaanut pilersaarutit tullinnguuttut makku piviusunngortinneqarnissaat naatsorsuutigineqarpoq:

Illoqarfiup ilaanut pilersaarut, 4C1-2, Pisissia

Tassani qitiusoqarfik aamma Nuummumut oqiliisaataasussaq pilersinneqassaaq. Qitiusoqarfimmi assersuutigalugu atuarfik, niuertarfiit aqqusinnermut niuerfimmumut atasut, utoqqaat illuat aamma sukisaarsartarfiit assigiinngitsut inissinneqassapput.

Pilersaarummi nunaminertat sullissinnermut atuuttunut, niuertarfinnut, inuussutissarsiuteqarfinnut aamma inissianut 300-t missaanniit-tunut tunniunneqassapput.

Illoqarfiup ilaanut pilersaarut, 4B1-1, Natternaq

Qitiusoqarfiup kujataa'tungaani inuussutissarsiuteqarfik pilersaarutigineqarpoq. Tassani niuertarfiliornissanut, allaffiliornissanut aamma nioqquutissaasiviliornissanut periarfissaqassaaq. Sumiiffiup sanaartorfigissarneqarnissaa 2010-milu sanaartorfigineqalernissaa naatsorsuutigineqarpoq.

Illoqarfiup ilaanut pilersaarut, 4D3-1, Eqinganga

Immikkoortup ilaata avannaa'tunginnguani umiatsianut nuannaariartaatinut umiatsialivik, niuertarfiit umiarsualivimmut tunngatillugu

sullissivittut atuuffiit pilersinneqassapput.

Kommunimut pilersaarummut tapiliussaq 4A5-2, Pingorsuaq

Kommunimut pilersaarummut tapiliussami, 4A5-2-mi, Pingorsuaq, inissianut 300-t misaanniittunut illutut immikkkuullarissutut isikkilinnut nunaminertanik tunniussisoqarpoq.

Teknikkikkut pilersuutit

Pilersuutitut aqquutit soorlu innaallagissamut, imermut kiassarnermullu aamma kuuffissuit nunap iluatigoortinneqassapput sapinngisarlutamat mianerineqassallutik aamma qaavisi-gut sanaartorfigineqassanngillat qalliusersuiffigineqaratilluunniit. Inuup allap pilersuutit aqquataannik allanngortiterinera pilersuutit aqquataannik piginnittumut aningaasartuutaas-sanngilaq aallannguinerillu taamaallaat pilersuutit aqquataannik siunersioqatiginninnikkut taassumallu innersuussutai malittarisassaatalu malillugit pissapput.

Sumiiffimmi teknikkikkut atortulersuusersui-soqarsinnaavoq, tassunga ilanngullugit transformatoriisiviit sumiiffimmut pilersuiner-mut tunngasut. Transformatoriisivinnik inissiinerit Nukissiorfinnik siunersioqateqarnikkut pis-saaq.

Kiassaneq

Sumiiffik innaallagissamit kissamik aalajangersimasumik ungasianiilluunniit kiassaa-nermik imaluunniit nukissiuutinik ataavartu-nik soorlu seqinisaatinik, nunap kissaanik il.il. pilersorneqassaaq.

Sanaartortitsisup/nunaminertamik piginnit-tussaatitaasup oqartussaasunit pisariaqartin-neqartunik akuersissummik pissarsiniarnissa-ni nammineq akisussaaffigaa, assersuutigalu-gu attaviliinissamut kiassaariaatsimut sukkul-luunniit atuuttumut akuersissummik.

Seqinisaatit qaliat qaavini illullu silataanni sanileerisillugit inissinneqarlutik sanaartuk-

kap ilusaanut naleqqussarneqassapput eqqaamiunullu ajoqutaassanngillat. Nunap iluata kissaanik kiassaanermut atortut nunap iluati-goortinneqassapput nunallu qaavani atortuler-suutit sanaartukkamut naleqqussarneqassallu-tik.

Imeq

Sumiiffik pisortat imermik pilersuutaannik imermik pilersorneqassaaq.

Imikoq

Sumiiffik kommunip kuuffissuarnut attave-qaataanut attavilerneqassaaq. Imikoq nunallu qaavata illullu qaavisa imer-taat kuuffissuarmut kuutsinneqassanngillat kisiannilu sanaartukkanut, aqqusinernut, aq-qusineeqqanut nunaminertanullu sanaartorfi-gineqanngitsunut akornutaanngitsumik kuut-sinneqassaaq.

Eqqaagassalerineq

Inissiat inuussutissarsiu-teqarfiillu tamarmik eqqaanni eqqaavinnut ilitsivilisoqassaaq ima-luunniit kommunip eqqagassat pillugit malit-tarisassaatai malillugit eqqaavimmut contai-neriusumut inissamik immikkoortitsisoqas-saaq.

Eqqaaviit containeriusut nunaminertanut bili-nut inissiisarfittut tunniunneqarsimasunut inissinneqassanngillat.

Sumiiffik Kommuneqarfik Sermersuup eqqa-gassat pillugit aaqqiissutaataanut sukkulluun-niit atuuttumut ilaatinneqarpoq.

Pilersaarutip inatsisitigut inaarutaasumik sunniutai

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfineqarsinnaapput kommunimut pilersaarummut tapiliussami aalajangersakkat naapertorlugit.

Immikkut pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq. Kommunimut pilersaarummut tapiliussami imminermi nunaminertat, illut atortullu ilaatinneqarmata imaanngilaq pinngitsoorani pilersinneqassasut.

Nunaminertanik, illunik atortunillu malittarisassat malillugit atuineq ingerlatiinnarneqarsinnaavoq.

Tassa tamanna ilaatigut imatut kinguneqassaaq; nunaminertanik, illunik atortulersuutinillu manna tikillugu atuinerit ingerlatiinnarneqarsinnaasut, akerlianilli nutaanik sanaartornerit allatulluunniit atuilernerit kommunimut pilersaarummut tapiliussamut akerliussanngillat.

Piffissaq oqalliffiusoq akuersissuteqarnerlu

Kommunimut pilersaarummut inaarutaasumik tapiliussaq, 4A4-2, piffissami 2010-mi apriilip ulluisa arfernanit maajip ulluisa 18-ata tungaanut tamanit oqallisigineqartussanngorlugu saqqummiunneqarpoq.

Piffissami tusarniaaffiusumi akerliussutit oqaaseqaatillu assigiinngitsut pingasut takkuppet.

Kommunalbestyrelse 2010-mi juunip ulluisa 15-ani ataatsimiinnermini kommunimut pilersaarummut tapiliussaq oqaluuseraat siunner-

suummut saqqummiunneqartumut sanilliullugu allannguutinik tullinnguuttunik makkuninnga allannguutitaqartillugu kommunimut pilersaarummut tapiliussaq akuersissutigaa.

Kommunimut pilersaarummut tapiliussassatut siunnersuummi energi energiklasse 1 aamma 2 innersuussutigineqarput. Taamatut iliuuseqarneq Kalaallit Nunaanni illuliornermut malittarisassanut suli ilanngunneqanneqanngilaq taamaattumillu oqariartaaseq taanna peerneqarpoq. Tamatuma saniatigut aaq-qissuisoqarnikkut amerlanngitsunik iluarsiisoqarpoq.

Siunnersuutip assilineri Nunatta Atuagateqarfiani, kommunip nittartagaani www.sermersooq.gl-imi, kommunip innuttaasunut sulliviani imaluunniit Sanarfinermut Avatangiisinullu ingerlatsivimmi oqarasuaat 34 74 31 saaffigalugu pineqarsinnaapput.

AALAJANGERSAKKAT

Matumuuna nunaminertanik atuineq aamma pilersaarusiorneq pillugit Inatsisartut peqqusutaat nr. 11, 5. decembari 2008-meersoq aamma nalunaarut nr. 7, 26. februaari 2009-meersoq naapertorlugit kommunalbestyrelsip aalajangersakkat tullinnguuttut makku aalajangersarpai:

Aalajangersakkat aalajangersakkanut pingaarnernut aamma aalajangersakkanut sukumiisunut agguataagaapput.

Allatat innersuussinerillu *sikingasunik* allataapput.

AALAJANGERSAKKAT

PINGAARNERIT

§ 1 Kommunimut pilersaarummut tapiliussami siunertarineqartut

Kommunimut pilersaarummut tapiliussami qulakkeerneqartussat:

- inissianut siunertaqartunik sanaartukkanut nutaanut killiliussanik aalajangersaaneq.
- sumiiffiup C-ip pisortat inissialiornissaannut inniminniinissamut qulakkeerinneq.
- inissiat quleriit pilerinartunik silami ataatsimoortarfilersorlugit immikkoortukkuutaarlugillu sanaartorneqarnissaannik qulakkeerinneq.
- sanaartukkat nutaat Qinngutsinni illoqarfiup ilaanut pioereersumut titartarneqarnermikkut ataqatigiissasut.

§ 2 Kommunimut pilersaarummut tapiliussap immikkoortuata ilaa agguataarneqarneralu

- 2.1 Immikkoortup ilaa 12 ha-it missaanni annertussuseqarpoq.
- 2.2 Immikkoortup ilaa ilanngussami 1-imi takutinneqartutut immikkuualuattunut A, B aamma C-mut killeqarfeqartinneqarput agguataarneqarlutillu.

§ 3 Immikkoortup ilaata atorneqarnera

- 3.1 Sumiiffik inissianut siunertaqartunut atorneqartussanngorlugu aalajangersarneqarpoq.
- 3.2 Nunaminertat inissianut, aqqusinernut teknikkikkullu pilersuutitut atortunut atorneqanngitsut nunaminertatut sanaartorfigineqanngitsutut atorneqasapput.
- 3.3 Immikkuualuttut A+C-it najukkami aqqusinertaasa kangia tungaanni qaq-qasunnap iluani inersualiortoqarsinnaavoq.

Atuineq pillugu aalajangersakkat amerlanerusut aalajangersakkani sukumiisuniipput.

§ 4 Sanaartukkat

- 4.1 Immikkoortup ilaani ammasunik-pukkitsunik aamma quleriinnik inissialiortoqarsinnaavoq.
- 4.2 Immikkoortup ilaani D-mi sanaartornissaq pillugu aalajangersakkanik sukumiisunik akuersissuteqartoqartariaqarpoq.

Sanaartukkat inissinneqarnerat aamma silataasa isikkui pillugit aalajangersakkat amerlanerusut aalajangersakkani sukumiisuniipput.

§ 5 Inissaq

- 5.1 Sumiiffimmi 146-172-inik inissialiortoqassaaq.

Sanaartukkat annertussusiallu silataasalu isikkuat pillugit aalajangersakkat amerlanerusut sukumiisumik aalajangersakkaniipput.

§ 6 Immikkoortup ilaani aqqusiner-tigut angallannerit

- 6.1 Immikkoortup ilaanit 4C1-imit najukkamut aqqusineqassaaq.
- 6.2 Immikkoortup ilaatigut sissami aqquserniortoqarsinnaasariaqarpoq.

Aqquserngit, aqqusineqqat bilinullu inissii-sarfiit pillugit aalajangersakkat amerlanerusut aalajangersakkani sukumiisuniipput.

**§ 7 Avatangiisini piumasaqaatit nu-
maminertallu piumasaqaatita-
qarfiusut**

7.1 Sumiiffimmi nunaminertaqanngilaq
piumasaqaatitaqarfiusunik.

*Avatangiisini pissutsit nunaminertallu piuma-
saqaatitaqarfiusut pillugit aalajangersakkat
amerlanerusut sukumiisumik aalajangersak-
kaniipput.*

§ 8 Eriagisariaqartut ilisarnaataat

8.1 Sumiiffimmi eriagisariaqartunik peq-
qartoqanngilaq.

AALAJANGERSAKKAT SUKUMIISUT

§ 9 Immikkuualuttut atorineqarnerat

Nalinginnaasumik

- 9.1 Inissiamut atatillugu tamanna sumiif-fiup sanaartorfigineqarnerata ilusaanut allannguutaassanngippat, bilinut inissiisarfinnik amerliliniinermik kinguneqassanngippat allatulluunniit sumiiffimmi eqqaamiorisanut ajoqutaanngippat namminersorluni inuussutisarsariutinik pilersitsineq akuerineqarsinnaavoq.

Immikkuualuttoq A

- 9.2 Immikkuualuttoq A ilanngussami 2-mi sanaartorfissatut takutinneqartumi takussutissami takutinneqartutut ilaqtariinnut ataatsinut illunullu affarleriinnut tunniunneqarpoq.

9.3

Immikkuualuttoq B

Immikkuualuttoq B ilanngussami 2-mi sanaartorfissatut takutinneqartumi illunut immikkuullarissunut sisamaniktallimanik quleriinnut sanaartorfissatut tunniunneqarput.

Detaillområde C

9.4

Immikkuualuttoq C ilanngussami 2-mi sanaartorfissatut takutinneqartumi takussutissiamisut illunut immikkuullarissunut tallimanik- arfinilinnik quleriinnut sanaartorfissatut tunniunneqarpoq.

Immikkuualuttoq D

9.5

Immikkuualuttoq D aqqusineeqqanut kingusinnerusukkullu ilaqtariinnut ataatsinut illunik illunillu affarleriinnik quleriit marluk tikillugit portussusilinnut sanaartugaasinnaasunut tunniunneqarpoq.
Tamakkunanngali sanaartussagaanni immikkuualuttumut sukumiisunik aalajangersagaliortoqartariaqarpoq.

§ 10 Sanaartukkat annertussusiat inissisisimaffiallu

- 10.1 Ilanngussami 1-imi takutinneqartutut sanaartorfissani sanaartortoqassaaq.
- 10.2 Teknikkikkut atortut, tassunga ilanngulugit pumpit, transformatoriisiviit assigisaallu, sumiiffinni takutinneqartunut inissinneqassapput imaluunniit sumiiffimmut takussunarsaataanngitsumik aputaajaanernullu akornutaanngitsunut naleqquttumik inissinneqassallutik.
- 10.3 Immikkuualuttuni pingasuni katillugit sanaartorfiit 22-t tunniunneqarput. Sanaartorfiit normui ilanngussami 2-mi takutinneqarput.
Sanaartorfiit imatut annertussusillit tunniunneqarput:
Sanaartorfik A: 15 x 15 meter
Sanaartorfik B: 16 x 16 meter
Sanaartorfik C: 150 x 75 meterit miss.
- 10.4 Sanaatornarni aneerasaartarfiit sanaatorfinnik 1,5 meterit sinnerlugit sippuisunik qulisaanngitsunik sanaartortoqarsinnaavoq.
- 10.5 Nunap tamanna ajornartinnngippagu sanaartukkat naqqup ilui inissianut siunertaqartunut atorineqarsinnaapput.
- 10.6 Inissiat tullinnguuttutut amerlatigisut sanaartorneqassapput:

Immikkuualuttoq A: Inissiat 16-32-it sanaatorfinnut A1-A16-nut inissiat ataaseq-marluk agguataarneqartut.

Immikkuualuttoq B: Inissiat 40-50it sanaatorfimmu B1-B5-imut ataatsimut inissiaqarfinnut arfineq-pingasunut-qulinut agguataarlugit.

Immikkuualuttoq C: Ikinnerpaaffittut Inissiat 90-it sanaartorfinnut C1-imut agguataarlugit.
- 10.7 Sanaatorfinni tunngaviusumik nunaminertat annerpaamik imatut angissuseqassapput:

Immikkuualuttoq A: 150m²
Immikkuualuttoq B: 250m²
Immikkuualuttoq C: 1250m²

Nunaminertani sanaartorfigineqartuni
quit aneerasaartarfiillu ilanngunne-
qanngillat.

- 10.8 Sanaartukkat portunerpaaffiisa ilan-
gussami 2- mi portunerpaaffissatut
takutinneqartut sinneqqassanngilaat.
- 10.9 Immikkuualuttumi A-mi quit anner-
paamik 12 m²-isut annertutigisut sa-
naneqarsinnaapput sanaartukkallu alli-
lerneqarfiinut inissinneqassallutik.

§ 11 Sanaartukkat silataasa isikkui

Illut silataat

- 11.1 Sanaartukkat silataasa qalipaataat
neoniussanngillat imaluunniit sanaar-
tukkanut avatangiiserisanut akornutaa-
sumik sumiiffimmulluunniit takussu-
narsaataasumik seqerngup qinnguaa-
nik uterartitsuussanatik.

Toqqaviit

- 11.2 Toqqaviit nunamiit 1 meterimit portu-
nerussanngillat.

Qaliat qaavi

- 11.1 Sanaartukkat qaliaasa qaavi qalissia-
mik qernertumik qalliusikkat 25°-imik
sivingatigisunngorlugit sanaaneqas-
sapput.
Immikkoortup ilaani A-mi qaliat qaavi
45°-isut sivingatigitinneqarnissaat a-
kuerineqarsinnaavoq, sanaartugaq qu-
leriik ataasinnaappat qalianilu init a-
torneqanngippata.

Seqinisaatit

- 11.2 Qaliat qaavinut illulluunniit silataan-
nut seqinisaatit sanileeriaarlugit inis-
sinneqarsinnaapput, tamakku sanaar-
tukkap ilusaanut naleqqussarneqarpa-
ta.
- 11.3 Seqinisaatit eqqaamiunut, akilerisanut
saneqquttunulluunniit qinngorfigitillu-

tik ajoqutaanngitsumik kinguneqas-
sanngippata.

Qaliat qaavini aningaanernilu igalaat

- 11.4 Qaliat qaavini igalaat assigiimmik
ungasissusilerlugit qaliallu qaavini a-
ningaanerniluunniit ataasiinnanngor-
lugit inissinneqassapput.

Silaannarissarfiit

- 11.5 Silaannarissarfiit assigisaallu sanaa-
tukkanut ilaatinneqassapput illullu ti-
tartarneqarneranut ilaasutut ilaatinne-
qassallutik.

Allagartarsuit

- 11.6 Sumiiffimmi suliffeqarfimmut tunnga-
tillugu allagartarsuit illup silataanut i-
nissinneqassapput annerpaamillu 0,5
m²-isut annertutigissallutik.

§ 12 Aqquserngit, aqqusineeqqat bi- linullu inissiisarfiit

Aqquserngit

- 12.1 Aqqusinernut aqqusineeqqanullu kii-
salu bilinut inissiisarfinnut iluseq pi-
ngaarneq ilanngussami 2-mi takussu-
tissami takutinneqarpoq.
- 12.2 Aqquserngit imatut silissisulerneqas-
sapput:

Najukkami aqqusineq:

Bilerfissaq: 6 m.
Pisuinnaat aqquaat: 2 m.

Inissiat eqqaanni aqquserngit:

Bilerfissaq: 5 m.

- 12.3 Sanaartukkat aqquserngit qeqqiniit
imatut ungasissuseqassapput:

Najukkami aqqusineq:

20 m.
Inissiat eqqaanni aqquserngit: 7.5 me-
ter.
Aqqusineeqqat: 3 meter.

Sanaartukkat akornanni nunaminertat
aqquserngillu apusinerfiliarineqarsin-
naassapput.

Aqqusineeqqat

- 12.4 Sikkilertunut pisuinnarnullu aqqu-
tit pingaarnerit najukkami aqqusinili-
amit aqqusineeqqalianillu nutaanit aqqu-
siorneqassapput. Aqqusineeqqat illo-
qarfimmi aqqusineeqqanut atatinne-
qassapput.
- Ilanngussami 2-mi tunngaviit malillu-
git minnerpaamillu 2 meterisut silitsi-
gisunngorlugit tunniunneqassapput.

Bilinu inissiisarfii

- 12.5 Ilanngussami 2-mi takutinneqartut
tunngaviit malillugit bilinu inissiisar-
fiit inissinneqassapput.
- 12.6 Tullinnguuttut makku sanaartorneqas-
sapput:
- Immikkuualuttoq A:
sanaartorfimmut ataatsimut ikinner-
paamik inissiisarfii marluk.
- Immikkuualuttut B aamma C-mi:
Inissiat 60 m²-inik anginerusut - Inis-
siamut ataatsimut inissiisarfik 1½.
Inissiat 0-60 m² – Inissiamut ataatsi-
mut inissiisarfik ataaseq.
- 12.7 Inissiat quleriit isaariaasa pingaarnerit
eqqaanni inissianut marlunnut sikki-
liisivik ataaseq pilersinneqassaaq.
- 12.8 Immikkuualuttumi A-mi inissiat eq-
qaanni privatimik bilinu inissiisarfi-
liornerni inissianut aqqusinernut aqqu-
siniliortoqarsinnaavoq. Privatimilli bi-
linu inissiisarfiornissaq eqqaamiunik
tusarniaassutigineqassaaq.

**§ 13 Nunaminertat sanaartorfigine-
qanngitsut**

- 13.1 Ilanngussami 1-imi qaqqasunnat sa-
naartornerni qaartiterlugit piiarneqar-
tussat takutinneqarput.
- 13.2 Sanaartorfigissaanerni sanaartornerni-
lu nuna sapinngisaq tamaat innarler-
naveersarneqassaaq. Nuna innarligaq
isikkuatut ilerseqqinneqassaaq sumiif-
fimmilu qaartiternerlukut qaartiteri-
nermi angallassinermiluunniit sia-

ruaassimasinnaasut tamarmik piiarne-
qassapput.

- 13.3 Ilanngussami 2-mi takutinneqartut
nunaminertat uninngaarfissat mee-
raaqqanullu pinnguarterfissat tunniun-
neqarput.
- 13.4 Pinnguarterfiit atortunut sanaartukka-
nulluunniit atorneqassanngillat. Pin-
nguarnermulli atortut, issiaviit taki-
suut, siaasaasarfii assigisaalluunniit
sumiiffimmut uninngaarterfittut sa-
naartorfigineqanngitsumullu ippinnan-
ngitsumik inissinneqarsinnaapput.
- 13.5 Nunaminertat sanaartorfigineqanngit-
sut sunilluunniit inaalitsivittut sivine-
rusumik atorneqassanngillat.
- 13.6 Sanaartukkanut ataasiakkaanut nuna-
minertanik tunniussuinerni sanaartuk-
kat avaqqullugit nunalerineq pillugu
sukumiisumik nassuiaasiortoqartas-
saaq, tassunga ilanngullugit aqqu-
serngit, pinnguarterfiit, sikkilinu inissi-
isarfii eqqaavilerfiillu.
- 13.7 Illumik piginnittup illuutimi eqqaani
nunaminertat saligaatsuutinnissaat pi-
sussaaffigaa.
- 13.8 Sivinganertani sivingasoorujussuarni
taamaallaat ungaluungalersorsuisoqas-
saaq tamakkulu isumannaallisaaner-
mut taamaallaat atorneqassapput.

Umiatsianik inissiiffissat

- 13.9 Immikkuualuttuni B aamma C-mi
taamaallaat umiatsianik inissiinissat
akuerineqarsinnaapput.
- 13.10 Immikkuualuttumi A-mi inissiamut
attuumassutilimmik sanaartorfimmi
ataatsimi umiatsiat anginerpaamik 26
fodinik angissusilillit taamaallaat inis-
sinneqarsinnaapput. Tamanna immik-
kut ittumik nunaminertamik tunine-
qarnissamik piumasaqaatitaqarpoq.

Eqqagassalerineq

- 13.11 Nutaanik sanaartukkat eqqaanni eqqaavilerfinnik eqqaavinnillu containeriusunik inissiinissanut nunaminertanik pisariaqartinneqartunik allanngortiterisoqassaaq.

§ 14 Teknikkikkut atortut

- 14.1 Teknikkikkut pilersuutit soorlu kuuffissuit, innaallagiamut imermillu pilersuutitut aqutit nunap iluatigoortinneqassapput. Pilersuutit aqutaat sapinngisaq tamaat mianersuunneqassapput qaavisigullu sanaartorfigineqassannatik. Inuup allap pilersuutit aqutaannik allanngortiterinera pilersuutit aqutaannik piginnittumut aningaasartuutaassanngilaq aamma taanna siunersioqqaarlugu taassumalu innersuussutai malillugit allanngortiterisoqassalluni.
- 14.2 Sumiiffimmut teknikkikkut pilersuutit tunngatillugu ilanngussami 2-mi takutinneqartut sumiiffinni atorulersuutit inissinneqassapput. Nukissiorfiit siunersioqatigalugit atorulersuutit inissinneqassapput.
- 14.3 Sanaartorfiit ilaanni imikumut pumpilarsuisoqarsinnaavoq, tamanna pisariaqartinneqarsorineqarpat.
- 14.4 Sumiiffimmi sanaartukkat tamakkulu atortutaat, aqquserngit, bilinut inissisarfii aqqusineeqqallu eqqortumik inissinneqassappata qaartiterisoqarnissaa naatsorsuutigineqartariaqarpoq.
- 14.5

Sanaartortitsisup/nunaminertamik piginnittup nammineerluni oqartussasunit akuersissutinik pissarsiniarnis-

sani nammineq akisussaaffigaa, asser-suutigalugu kiassaariaatsimut sukkulluunniit atuuttumut attavilertinnissamut akuersissummik.

§ 15 Avatangiisini pissutsit

- 15.1 Sanaartukkat nutaat eqqaanni eqqagassalerineq pillugu malittarisassat atuttut malillugit eqqagassaasivinnik pilersitsisoqassaaq.
- 15.2 Eqqagassat immikkoortitertarfii katersorneqartarfiilu sanaartukkap iluaniissapput imaluunniit nunaminertami ungalusamiissallutik.
- 15.3 Nunaminertat ungalusat avtaannut containerinik inissiisoqassanngilaq.
- 15.4 Eqqagassaleriiffiit akornuteqanngitsumik aallernissamut imaarsinissanullu aputeqanngitsumut pilersillugit inissinneqassapput.
- 15.5 Eqqaaviit containeriusut bilinut inissisarfinni intoqutassaannngillat.

§ 16 Piginnittut peqatigiiffiat

- 16.1 Najugaqartut ataatsimut soqutigisaannik isumaginnittussanik pingasunik peqatigiiffiortoqassaaq; immikkuualuttuni tamani A, B aamma C-mi peqatigiiffik ataaseq.
- 16.2 Immikkuualuttumi illunik piginnittut immikkuualuttoqarfigisaminni isumaginnittumik peqatigiiffimmut ilaasortaassapput (A, B aamma C).
- 16.3 Ilaasortaasussaatitaasut ikinnerpaamik affaasa tamanna kissaatigippassuk piginnittut peqatigiiffiat pilersinneqassaaq kingusinnerpaamilli immikkuualuttuni sanaartorfissatut naatsorsuutigineqartut affaat atorneqalereerpata.
- 16.4 Peqatigiiffiup pilersaaruteqarfiusumi aqquserngit, illoqannginnersat, aqqusineeqqat nunaminertallu sanaartorfigineqanngitsut aserfallatsaaliussavai tamakkulu pillugit nammineq malittarisassiussalluni.

- 16.5 Peqatigiiffiit pinnguarterfiit § 8.7-mi eqqaaneqartut sanaartorneqarnerat akissusaaffigissavaat. Peqatigiiffiit ukioq ataaseq qaangiutsinnagu pinnguarterfiit uninngaarterfiillu taaneqartut pilersinneqarnissaannut immikkuualuttunik pilersaarutini akuersissuteqassapput.
- 16.6 Peqatigiiffiup ingerlaavartumik Kommuneqarfik Sermersooq sumi angerlarsimaffeqarnerminik nalunaarfigisassavaa.

§ 17 Atuilernissamut piumasaqaatit

- 17.1 Bilinut inissiisarfiissatut piumasaqaataasut pilersinneqaaqsamatinnagit sanaartukkat nutaat atorineqalissangillat.
- 17.2 Nunaminertat sanaartorfigineqanngitsut, qalliusorneqanngitsut aqqusinernullu atortut sanaartorneq imaluunniit allanik suliaqartoqarnera pissutigalugu innarlerneqartut ilusaattut ilerseqqinneqassapput.
- 17.3 Eqqaavilerineq aallartinneqannginnerani containerit poorsuilluunniit atorineqassanersut sumullu inissinneqarnissaat qularnaarneqareersimassapput.
- 17.4 Atuisoqalinnginnerani kuissiatigut il.il. imertaajaanissamut pilersaarut akuerisaq pigineqaaqaassaaq.

§ 18 Illoqarfiup ilaanut pilersaarummi aamma kommunimut pilersaarummut tapiliussamik atorunnaarsitsineq

- 18.1 Kommunimut pilersaarummut tapiliussap 4A4-2-p, Innartalik, akuersisutigineqartup tamanut nalunaarutigineqarneratigut kommunimut pilersaarummut tapiliussaq 4A4-1 atorunnaarsinneqarput.


AKUERSISSUTIGINEQARNERA

Matumuuna Kommunimut pilersaarummut tapiliussaq 4A4-2, Innartalik, Kommuneqarfik Sermersuup Kommunalbestyrelsianit ulloq 15. juuni 2010 inaarutaasumik atuuttussatut akuersissutigineqarpoq.

Kommuneqarfik Sermersooq ulloq



Asii Chemnitz Narup /
borgmesteri




(Stine Johansen)

Pisortaanerugallartoq

William Kriegel

Inaarutaasumik tamanut nalunaarutigineqarpoq ulloq 7. jul. 2010.

Angallateeqqanut talittarfik
Lystbådehavn



ILANNGUSSAQ 2: Sanaartorfissiat 4A4-2 Innartalik

- Immikkoortup ilaanut killegarfik
- ⋯ Immikkoortup ilaani immikkoortup annikinnerup killegarfia
- B13 Sanaartugaareersut
- 47 Kipkote
- Najukkami aqqut
- Inissiaqarfinnut aqqut
- Aqqusineeqqat/tummeqqat
- Inissineq
- Nunaminertat sanaartorfiun-
ngitsut ataatsimoorussassat

0 50 100
meter




KOMMUNEQARFIK SERMERSOQ
Sanarfinnarmut Avatangisinullu ingerlatsivik
Juuni 2010

Ækvidistance 0,5



Angallateeqqanut talittarfik
Lystbådehavn



**ILANNGUSSAQ 3 - Takussutissiaq
4A4-2 Innartalik**

0 50 100
meter



KOMMUNEQARFIK SERMERSOOQ
Sanarfinnarmut Avatangisinnullu ingerlatsivik
Juuni 2010

Ækvidistance 0,5